



ÍÞRÓTTABANDALAG
REYKJAVÍKUR

Stefna í íþróttamálum Reykjavíkur til 2030

Drög að lokaskjali

Janúar 2020



Efnisyfirlit



- Inngangur 3
- Stefna í íþróttamálum Reykjavíkur til 2030 5
 - Framtíðarsýn 6
 - Meginmarkmið 8
 - Stefnuáherslur og markmið 9
 - Tengsl við heimsmarkmið SP 13
 - Stefnuáherslur og undiráherslur 15
 - Aðgerðir 21
- Viðauki 23
 - Stöðumat 24
 - Erindisbréf 30
 - Þátttakendalisti á stefnufundum 31

Íþróttastarf í Reykjavík er mjög fjölbreytt. Það byggir m.a. á blómlegu starfi íþróttafélaga og samstarfi þeirra við ÍBR og ÍTR fyrir hönd Reykjavíkurborgar



Íþróttafélögin byggja starf sitt mikið á óeigingjörnu starfi sjálfboðaliða en eftir því sem félögin hafa orðið stærri hefur launuðum starfsmönnum fjölgað. Kröfur um fagmennsku hafa aukist mikið í samfélaginu, enda gegnir íþróttastarf mikilvægu hlutverki í heilbrigðu og félagslegu uppeldi barna og unglinga.

Öflug og fjölbreytt íþróttafélög sem sinna margvíslegum markhópum skipta miklu máli í forvörnum, félagslegu starfi og að byggja upp gott samfélag.

Þeir fjármunir sem Reykjavíkurborg leggur íþróttafélögunum í té, hafa farið í að skapa aðstöðu til æfinga og keppni hvort sem er fyrir börn og unglinga, keppnis- og afreksfólk eða almenning, ásamt því að leggja fjármuni í að auka fagmennsku í starfsemi félaganna.

Reykjavíkurborg styrkir börn og unglinga til þátttöku í íþróttum og frístundastarfi með Frístundakortinu. Einnig hafa verið veittir styrkir (niðurgreiðsla) í sund fyrir aldraða, öryrkja og fólk í atvinnuleit, sundleikfimi og leikfimi fyrir aldraða.

Stefnumótun á breiðum grunni með aðkomu fjölda hagsmunaaðila

Á fundi borgarstjórnar 15. janúar 2019 var samþykkt að setja af stað vinnu í samvinnu ÍTR og ÍBR varðandi framtíðarstefnumótun í íþróttamálum í Reykjavík til ársins 2030.

Í erindisbréfi vegna vinnunnar voru tilgreind lykilmarkmið stefnumótunarinnar: *Jafna aðstöðu til þátttöku, með áherslu á að jafna aðstöðumun, m.a. með tilliti til kyns og efnahagslegrar stöðu barna og unglinga og eldri borgara, mikilvægi hreyfingar fyrir alla aldurshópa og um ölfugt íþróttastarf um alla borg.*

Í stefnumótunarvinnunni var haft samráð við fjölda hagsmunaaðila, bæði með þátttöku í vinnufundum og með netkönnun. Í því samráði komu fram fjöldi góðra hugmynda og tillagna.

Í þessari skýrslu eru niðurstöður úr stefnumótunarvinnunni settar fram, ásamt aðgerðaáætlun. Gert er ráð fyrir að aðgerðaáætlunin sé endurskoðuð reglulega á tímabili stefnunnar.

Í stýrihópi verkefnisins voru: Pawel Bartoszek MÍT, formaður, Katrín Atladóttir MÍT, Hjálmar Sveinsson MÍT, Ingvar Sverrisson ÍBR, Guðrún Ósk Jakobsdóttir ÍBR.

Með hópnum störfuðu: Ómar Einarsson ÍTR, Steinþór Einarsson ÍTR, Helga Björnsdóttir ÍTR, Frímann Ari Ferdinandsson ÍBR.

Ráðgjafar í vinnunni voru Kristján Einarsson og Einar Þór Bjarnason frá Intellecta ehf.





Stefna íþróttamála Reykjavíkur til 2030

„Mér líður vel og er hraust af því að það hefur verið hlúð að öllu í íþróttastarfi í borginni.“

Sigríður 67 ára

„Frábært að glæða torg og græn svæði lífi með hinum ýmsu almenningsíþróttum.“

Katrín íbúi

„Strákurinn minn er á góðum stað af því að hann hefur fengið að taka þátt í íþróttum á eigin forsendum, fengið aðstoð sem hann þurfti á að halda.“

Jón foreldri 11 ára drengs

„Ég á tvær dætur, önnur þarf talsverðan stuðning en báðar finna sig í íþróttum.“

Nadia foreldri

„Fann það sem ég blómstraði í.“

Heimsmeistari í frísbígolfi

Framtíðarsýn okkar árið 2030 er, að nær allir Reykvíkingar stundi reglulega íþróttir, líkamsrækt eða aðra hreyfingu

„Ég er ennþá að stunda íþróttir með liðinu mínu þrátt fyrir að vilja ekki verða afreksmaður.“

Örn 18 ára

„Við lítum til vinnu og árangurs Reykjavíkur þegar við skipuleggjum okkur.“

Torben, bæjarstjóri frá Danmörku

„Dóttir mín er svo glöð, nú getur hún æft fimleika eins og vinkonur hennar, það er ekki lengur stress að safna fyrir æfingagjöldum.“

Anna foreldri

„Þegar ég fór að æfa íþróttir, náði ég betri tókum á íslensku sem auðveldaði mér að eignast vini og mynda tengsl.“

Samir 21 árs

Framtíðarsýn um íþróttir og skipulagða hreyfingu er fyrir alla Reykvíkingska



Hún er mikilvæg sem
forvörn fyrir íbúa á öllum
aldursskeiðum



Hún gefur íbúum tækifæri
á að efla og viðhalda
heilsu sinni og taka þátt í
uppbyggilegu félagslegu
starfi



Hún gefur börnum og
unglingum tækifæri til að
þroskast, njóta sín og
finna áhugamál við sitt
hæfi



Hún gerir borgina að betri
stað til að búa í




Framtíðarsýn fyrir árið 2030 er, að nær allir Reykvíkingar stundi reglulega íþróttir, líkamsrækt eða aðra hreyfingu




Markmiðið 2030 er að lágmarki 70% íbúa stundi rösklega hreyfingu í 30 mínútur eða meira að lágmarki þrisvar í viku

Til að skýra betur innihald framtíðarsýnar og til að ná henni hafa fimm stefnuáherslur verið skilgreindar



Með skilgreiningu stefnuáherslna, er leiðin að framtíðarsýn vörðuð



Hvað er átt við með þessum stefnuáherslum?

Góð hreyfing og ástundun íþrótta er mikilvæg til að viðhalda heilbrigði okkar á öllum æviskeiðum. Grunnurinn er lagður snemma á lífsleiðinni, með því að börn og unglingar fái að prufa sig áfram og finna þá íþrótt eða hreyfingu sem þau blómstra í undir umsjón fagmenntaðra þjálfara, óháð efnahag kyni eða stöðu. Sá áhugi sem þannig er tendraður leiðir síðan til þess að sum okkar verða keppnis- og afreksfólk sem veita öðrum innblástur en aðrir nota íþróttir og hreyfingu sem leið til að viðhalda góðri heilsu, sér til skemmtunar og vera í góðum félagskap. Til að þetta geti orðið að veruleika verðum við að hafa góða aðstöðu, skipulagða umgjörð og öflugt og faglegt íþróttastarf.


Af hverju þessar stefnuáherslur?

Þessum áherslum er ætlað að styðja við framtíðarsýnina og stuðla að því að sem flestir stundi íþróttir, líkamsrækt eða aðra hreyfingu. Sérstaklega er lögð áhersla á börn og unglinga því þar er lagður grunnurinn. Unnið verður með íþróttafélögum, sem leggja áherslu á barna- og unglingastarf ásamt keppnis- og afreksstarfi, og sem móta skýra og faglega umgjörð um starf sitt. Lögð er sérstök áhersla á uppbyggingu aðstöðu fyrir börn og unglinga ásamt því að styðja við aðstöðu afreks- og keppnisfólks og almennings til að árangur náist fyrir alla aldurhópa

Hver ber ábyrgð á að gera þetta?

Samfélagið, við öll berum ábyrgð á því. Allir þurfa að hreyfa sig meira. ÍTR, ÍBR og íþróttafélögin eru í lykilhlutverki hvað varðar fjármögnun, skipulagningu og framkvæmd verkefna. Vinnan krefst einnig samstarfs við mikilvæga samstarfsaðila eins og skóla, frístundaheimili, og fleiri aðila.

Markmið hafa verið sett fyrir stefnuáherslur sem varða hreyfingu, þátttöku og árangur




Mælanleg markmið um uppbyggingu mannvirkja og stöðu íþróttafélaga hafa enn fremur verið sett

MARKMIÐ:

Tímanýting íþróttahúsa á tímanum 8-22 á virkum dögum verði amk. 70%

MARKMIÐ:

Að lágmarki 90% íþróttafélaga sem eru með barna og unglingastarf séu fyrirmyndafélög ÍSÍ



S4) Uppbygging og rekstur hagkvæmrar aðstöðu til íþróttaiðkunar og hreyfingar, sem hentar vel þörfum hverju sinni


S5) Skipulögð umgjörð, gott samstarf og stuðningur við öflugt og faglegt starf íþróttafélaga

Miklu skiptir að stefnan rími við áherslur í samfélaginu. Í íþróttastefnunni hefur verið valið að vinna að þremur af heimsmarkmiðum Sameinuðu þjóðanna




Heimsmarkmiðin birtast tveimur stefnuáherslum íþróttastefnunnar

1) Íþróttir, líkamsrækt og hreyfing fyrir alla á öllum æviskeiðum



Stuðla að heilbrigðu lífni og vellíðan fyrir alla frá vöggju til grafar

2) Börn og unglingar hafi tækifæri til að þroskast og eflast í fjölbreyttu og aðgengilegu íþróttastarfi, óháð kyni, efnahag og stöðu



Jafnrétti kynjanna verði tryggt og völd allra kvenna og stúlkna efl



Draga úr ójöfnuði innan og á milli landa

Stefnuáhersla 1 (S1): Íþróttir, líkamsrækt og hreyfing fyrir alla á öllum æviskeiðum



MARKMIÐ:

Markmiðið 2030 er að lágmarki 70% íbúa stundi rösklega hreyfingu í 30 mínútur eða meira að lágmarki þrisvar í viku*

Áhersla	Skýring
1) Efla þátttöku almennings í íþróttum með bættri útivistar- og almenningsaðstöðu og auknu framboði	Hver einstaklingur ber ábyrgð á sjálfum sér og sinni heilsu. Hentug aðstaða og gott þjónustuframboð sem hentar öllum aldri auðveldar almenningi að stunda íþróttir og hreyfingu og virkar jafnframt hvetjandi. Nauðsynlegir innviðir eins og stígar og gatnakerfi borgarinnar standi til boða við framkvæmd viðburða.
2) Efla samstarf íþróttafélaga og annarra aðila sem vinna að lýðheilsu.	Samstarf og samvinna er vísasta leiðin til að virkja íbúa til þátttöku. Þegar innviðum, þekkingu íþróttafélaga á íþróttum og lýðheilsu markmiðum er fléttað saman, getur slíkt aukið þátttöku almennings og skilað íþróttafélögum ávinningi.
3) Efla kynningarstarf á íþróttum og aðstöðu í Reykjavík	Íþróttastarf í Reykjavík er fjölbreytt en það getur verið erfitt að fá upplýsingar og yfirsýn um hvaða íþróttagreinar og aðstaða er í boði.
4) Halda unglingum sem lengst í iðkun hjá íþróttafélögum	Þátttaka barna í íþróttastarfi er mikil, en þegar komið er á unglingsaldur fer þátttaka unglinga í íþróttastarfi að minnka. Hluta af ástæðunni má rekja til áherslu á mikið æfingaálag og keppni.
5) Bæta upplýsingar um stöðu íþróttamála	Til að innleiðing stefnu í íþróttamálum í Reykjavík verði markviss, þurfa upplýsingar um stöðu mála að vera aðgengilegar. Ákvarðanir og val um aðgerðir til að tryggja markvissa framkvæmd stefnu eru teknar á grunni slíkra upplýsinga.

Stefnuáhersla 2 (S2): Börn og unglingar hafi tækifæri til að þroskast og eflast í fjölbreyttu og aðgengilegu íþróttastarfi, óháð kyni, efnahag og stöðu



MARKMIÐ:

Hlutfall barna og unglinga sem stunda íþróttir og hreyfingu í skipulögðu starfi verði amk. 70%*

Áhersla	Skýring
1) Börn og unglingar eiga að geta stundað íþróttir óháð kyni, efnahag og stöðu	Til að börn og unglingar eigi að geta stundað íþróttir óháð kyni, efnahag og stöðu er ekki nóg, fyrir efnaminni fjölskyldur, að bjóða frístundastyrk með Frístundakorti til greiðslu æfingagjalda, heldur þarf líka að koma til móts við þær varðandi viðbótarkostnað. Tryggja þarf jafnframt að æfingahópum sé ekki mismunað eftir kyni eða stöðu og að hver og einn fái þjónustu við sitt hæfi.
2) Framboð íþróttar í nærumhverfi barna sé jafnt og fjölbreytt og að sérgreinar séu þeim aðgengilegar	Til að tryggja gott framboð íþróttagreina í hverju hverfi þarf að auka framboð íþróttar í ákveðnum hverfum borgarinnar. Jafnframt þarf að tryggja að þau sérgreinafélög sem bjóða fram þjónustu fyrir börn og unglinga séu staðsett á stöðum sem eru nálægt greiðum almenningssamgöngum.
3) Börn eigi kost á að prófa greinar til að finna hvað hentar	Þegar börn byrja að stunda íþróttir er mjög ólíklegt að þau finni þá íþrótt sem þeim hentar strax í upphafi. Því getur verið gott að gefa þeim kost að prufa nokkrar greinar án þess að foreldrar þurfi að leggja út fyrir æfingagjöldum í mörgum greinum.
4) Öruggt aðgengi að íþróttastöðum	Í sumum hverfum borgarinnar er ekki nægjanlega öruggar samgönguleiðir barna að íþróttastöðum. Til að bæta þetta þarf að ráðast í ákveðnar endurbætur.
5) Öflugt kynningarstarf á möguleikum barna og unglinga til íþróttaiðkunar	Íþróttastarf í Reykjavík er fjölbreytt og erfitt getur verið fyrir þá sem ekki þekkja vel til, að átta sig á hvaða íþróttagreinar eru í boði fyrir börn og unglinga í nærumhverfi og annarstaðar í borginni. Getur þetta sérstaklega átt við um íbúa af erlendum uppruna.

Frh. stefnuáhersla 2 (S2): Börn og unglingar hafi tækifæri til að þroskast og eflast í fjölbreyttu og aðgengilegu íþróttastarfi, óháð kyni, efnahag og stöðu



MARKMIÐ:

Hlutfall barna og unglunga sem stunda íþróttir og hreyfingu í skipulögðu starfi verði amk. 70%*

6) Samvinna íþróttafélaga, skóla, leikskóla og frístundaheimila um þroskaferli barna og unglunga og heilstæðan “vinnudag” barna

Leikskólar, skólar, frístundaheimili og íþróttafélög gegna öll hlutverki í uppeldi og þroskaferli barna og unglunga. Þessir aðilar sinna þjónustu fyrir íbúana og eru allir reknir af borginni eða njóta styrkja frá borginni til að sinna sínu hlutverki. Það er því mikilvægt að þeir geti unnið saman og samhæft sína þjónustu gagnvart íbúunum, sérstakega með því að tryggja að þjónustutíminn rúmist innan hefðbundins vinnudags, en einnig til að styrkleikar hvers einstaklings fái notið sín.

7) Fjölga iðkendum með öflugu faglegu starfi

Gera þarf skýrar og faglegar kröfur til starfsemi íþróttafélaganna. Þátttaka barna og unglunga byggist á eigin áhuga á íþróttinni, félagslegum tengslum og að þeim líði vel. Því þarf að umgangast hvern og einn eins og mikilvægan viðskiptavin til að brottfall verði sem minnst og standa faglega að öllu starfinu. Mæta þarf hverjum og einum með hlýju og leggja áherslu á að hver og einn þátttakandi sé velkominn í starfið.

8) Efla stuðning og tengsl foreldra við íþróttastarf

Stuðningur og þátttaka foreldra er mikilvægur fyrir börn og unglunga til að börn og unglingar ílengist í íþróttastarfi. Eflir það tengsl barna og foreldra ásamt því að styrkja félagsleg tengsl þeirra. Íþróttahreyfingin reiðir sig mikið á þátttöku foreldra í starfsemi sinni og er hún því einnig mikilvægur hlekkur í allri keðjunni. Sérstaklega mikilvægt er að fá foreldra erlendra barna til þátttöku í starfinu til að þau tengist betur nærsamfélaginu.

9) Samþætta hreyfingu foreldra æfingum barna

Til að takmarkaður tími foreldra nýtist sem best er æskilegt að foreldrar hafi tækifæri á að nýta þann tíma sem börnin verja til æfinga. Í sumum hverfum eru almenningsaðstaða til íþróttaiðkunar staðsett á sama stað og æfingar barna fara fram, en ekki öllum.

10) Fjölga iðkendum með nýjungum sem höfða til barna og unglunga

Íþróttastarf er fjölbreytt. Nýjar greinar koma stöðugt fram og sumar eldri greinar missa vinsældir. Því þarf að taka nýjungum opnum örmum og styðja til að sjá hvort þær verði vinsælar og höfði jafnvel til hópa sem ekki hafa hingað til fundið sig í þeim greinum sem fyrir eru. Íbúar af erlendum uppruna hafa oft alist upp við aðrar íþróttagreinar en hér eru í boði. Ef hægt er að koma slíkum íþróttagreinum á fót hér á landi, gæti það aukið fjölda iðkenda.

Stefnuáhersla 3 (S3): Framúrskarandi keppnis- og afreksfólk, sem veitir framtíðarkynslóðum hvatningu til íþróttaiðkunar



MARKMIÐ:

Meirihluti íslenskra þátttakenda á stórmótum komi frá reykvískum félögum*

Að lágmarki 40% félaga í efstu deild verði reykvísk (hópiþróttir)*

Áhersla	Skýring
1) Bætt skipulag og aukin samvinna um afreksstarf íþróttafélaga	Aðeins fáir íþróttamenn ná því að verða framúrskarandi keppnis- og afreksfólk. Til að geta sinnt þessum hópi á sem bestan hátt þurfa íþróttafélög að vinna saman.
2) Bæta fjárhagslegt öryggi afreksfólks	Afreksfólk þarf oft að færa miklar fórnir til að ná árangri. Til að tryggja betur fjárhagslegt öryggi afreksfólks vegna undirbúnings fyrir stórviðburði er æskilegt að til komi meiri stuðningur.
3) Samstarf við ríkið, ÍSÍ, sérsambönd og önnur sveitarfélög um aðstöðu fyrir afreksiþróttamenn og landslið	Aðstaða þarf að vera fyrir hendi til að afreksfólk og landslið geti stundað æfingar og hægt sé að halda keppni í viðurkenndri aðstöðu.
4) Skapa rými fyrir afreksiþróttafólk í skólastarfi	Afreksfólk í efri bekkjum grunnskóla, t.d. landsliðsfólk fái rými til að æfa sína íþrótt og tekið sé tillit til þess í annarri íþróttakennslu.

Stefnuáhersla 4 (S4): Uppbygging og rekstur hagkvæmrar aðstöðu til íþróttaiðkunar og hreyfingar, sem hentar vel þörfum hverju sinni



MARKMIÐ:
Tímanýting íþróttahúsa á tímanum 8-22 á virkum dögum verði amk. 70%

Áhersla	Skýring
1) Skýr forgangsröðun í uppbyggingu mannvirkja	Mikill þrýstingur er á Reykjavíkurborg um uppbyggingu á aðstöðu fyrir íþróttafélög. Það fjármagn sem borgin hefur sett í slíka uppbyggingu er mun minna en eftirspurnin, því er mikilvægt að forgangsröðun sé skýr og gegnsæ og byggi á vel skilgreindu ákvörðunarferli.
2) Staðsetning mannvirkja miðlæg í hverfi með greiðu aðgengi, staðsetning sérgreinaaðstöðu og afreksíþróttaaðstöðu nálægt samgöngutengingum	Í dag er búið að staðsetja mikið af íþróttamannvirkjum í hverfum Reykjavíkur. Sum hafa verið reist sem hluti að upphaflegu skipulagi hverfa á meðan öðrum hefur verið bætt inn hverfið eftirá. Varðandi staðsetningu þeirra mannvirkja sem eftir eru að koma, þurfa að vera skýr viðmið.
3) Hagkvæmt rekstrarform mannvirkja	Ekki liggja fyrir upplýsingar um hvaða rekstrarform mannvirkja er heppilegast. Í dag byggir Reykjavíkurborg nær öll mannvirki og algengt er að íþróttafélögin reki aðstöðuna. Viðhald mannvirkja er mikilvægt. Nauðsynlegt er að greina og velja hagkvæmasta rekstrarfyrirkomulag mannvirkja með tilliti til bæði rekstrar og viðhalds.
4) Samvinna við aðra um nýtingu mannvirkja	Ekki er vænlegt að byggja of mikið af sérhæfðum mannvirkjum, því getur verið vænlegt að íþróttafélög vinni saman varðandi nýtingu slíkra mannvirkja, jafnvel að unnið saman með öðrum sveitarfélögum varðandi nýtingu mannvirkja.

Stefnuáhersla 5 (S5): Skipulögð umgjörð, gott samstarf og stuðningur við öflugt og faglegt starf íþróttafélaga



MARKMIÐ:

Að lágmarki 90% íþróttafélaga sem eru með barna og unglingsstarf séu fyrirmyndafélög ÍSí*

Áhersla	Skýring
1) Sterk, öflug og fagleg íþróttafélög	<p>Til að íþróttafélögin geti vaxið og dafnað, er nauðsynlegt að rekstrarumgjörð þeirra sé skýr. Þau þurfa að hafa skilgreint markaðssvæði til að vinna á og þau þurfa að ná ákveðinni stærð til að njóta samlegðar í rekstri sínum. Íþróttafélögin þurfa að gæta aðhalds í rekstri sínum en jafnframt þarf að tryggja þeim rekstrargrundvöll til að uppfylla faglegar kröfur sem gera verður til grunnstarfsemi þeirra. Mikilvægt er að umgjörðin stuðli áfram að því að íþróttafélögin njóti þess krafts sem einkennir frumkvöðlastarfið.</p>
2) Markvissir þjónustu- og samstarfsamningar með faglegum kröfum og eftirfylgni	<p>Styrkir Reykjavíkurborgar til íþróttastarfs byggjast á viðurkenningu á að íþróttastarf sé mikilvægt sem forvörn og að þátttaka í íþróttum er mikilvægur hluti að félagsstarfi og þroskaferli einstaklinga. Til að tryggja að starf íþróttafélaganna sé í þeim anda þarf að gera kröfur til þeirra til móts við það framlag sem borgin veitir.</p>
3) Aukin samvinna íþróttafélaga	<p>Erfitt getur verið fyrir íþróttafélög að svara öllum þeim auknu kröfum sem gerðar eru til þeirra, sérstaklega á þetta við um minni félög. Samvinna félaga getur því hjálpað til við að mæta þessum kröfum.</p>
4) Aukin samvinna ÍBR og íþróttafélaga um fræðslu og fagmennsku	<p>ÍBR gegnir ákveðnu hlutverki varðandi aukna fagmennsku hjá íþróttafélögum. Hjá Reykjavíkurborg á sér einnig stað faglegt starf sem getur nýst íþróttafélögum til að styrkja starfsemina. Íþróttafélögin geta einnig unnið í samstarfi varðandi faglega þætti sem öll þurfa að vinna að, undir stjórn ÍBR.</p>

* Mælikvarði á ábyrgð ÍBR

Fyrirmyndarfélag ÍSí er gæðaverkefni íþróttahreyfingarinnar er snýr að íþróttastarfi. Þar gera íþróttafélögin sjálf grein fyrir hvernig þau starfa, hvaða kröfur þau gera til starfsins, hvernig það er skipulagt og hver markmiðin eru. 20

Aðgerðaáætlun fyrstu aðgerðir – Forgangur A

Nr.	Lýsing	Vegna áherslna	Tímarammi	Ábyrgð
A1	Endurskoða þjónustu- og samstarfssamninga við íþróttafélögin m.t.t. skilgreindra forsendna (sjá viðauka-sérskýrslu).	S2-1,2,3,5,6,7,8,10 S3-1 S5-1,2,3,4	Lýkur 30.04.2021	ÍTR og ÍBR
A2	Hanna, prófa og taka í notkun nýtt ferli við forgangsröðun framkvæmda.	S4-1	Lýkur 31.12.2020	ÍTR
A3	Skipuleggja söfnun tölfræði um hreyfingu og íþróttir í Reykjavík tengt stefnunni og um nýtingu húsa, iðkun og aðsókn.	S1-S5	Lýkur 31.12.2020	ÍTR og ÍBR
A4	Endurskoða öruggar og vistvænar leiðir í eftirfarandi þáttum: <ul style="list-style-type: none"> Gerð verði greining á öruggum leiðum innan hverfa að aðstöðu og aðstæður bættar til að auka öryggi Frístundaakstur og fylgdarmenn Yfirstandandi endurskoðun leiðakerfis taki mið af staðsetningu æfingaaðstöðu 	S2-4	Lýkur 1.04.2021	ÍTR
A5	Greina hvaða rekstrarform bygginga og mannvirkja henti Reykjavíkurborg best og er hagkvæmast.	S4-3	Lýkur 30.04.2021	ÍTR
A6	Skipuleggja, þróa og hanna greiningartól sem heldur utan um tíma- og rýmdarnýtingu (fjölda) íþróttamannvirkja borgarinnar og íþróttafélaganna.	S4	Lýkur 31.12.2020	ÍBR
A7	Festa í sessi hverfaskiptingu íþróttafélaganna og svæðum sérgreinafélaganna og skilgreina hvernig ný hverfi skiptast.	S5-1	Lýkur 30.04.2021	ÍTR og ÍBR
A8	Koma á samstarfsvettvangi íþróttafélaga/íþróttagreina þar sem útbúnar eru leiðir til að halda brottfallsárgöngum sem lengst í íþróttafélögum.	S1-4	Lýkur 31.10.2020	ÍTR og ÍBR

Aðgerðaáætlun næstu aðgerðir – Forgangur B

Nr.	Lýsing	Vegna áherslna	Tímarammi	Ábyrgð
B1	Sérstök áætlun gerð fyrir sérgreinafélög um upptökusvæði, staðsetningar innan borgar og tengsl við samgöngur	S2-2	Lýkur 30.04.2021	ÍTR og ÍBR
B2	Koma á fót samstarfsvettvangi íþróttafélaga, skóla og frístundaheimila <ul style="list-style-type: none">Gera tilraun í ákveðnum hverfum og meta árangur af því	S2-6 S3-4	Lýkur 31.12.2021	ÍTR og ÍBR
B3	Nýta tækniþróun til hagkvæms rekstrar mannvirkja <ul style="list-style-type: none">Tekjuöflun með útleigu til almennings og aðgangsstýringum á völdum mannvirkjum - ómönnum	S4-3	Lýkur 31.12.2021	ÍTR og ÍBR
B4	Koma á fót samstarfi um nýtingu sérhæfðra mannvirkja milli aðila, (önnur sveitarfélög, milli félaga, við sérsambönd, við ríkið)	S4-4	Lýkur 31.12.2021	ÍTR
B5	ÍBR kemur á vettvangi fyrir faglegt samstarf íþróttafélaga innbyrðis og faglegs samstarf við aðra aðila innan Reykjavíkurborgar <ul style="list-style-type: none">Samvinna um fræðslu RVK, ÍTR, ÍBR og þjónustumiðstöðva (skyndihjálpar, siðamál, jafnréttismál)Samvinna ÍBR og íþróttafélaga um stuðning við endurmenntun starfsmanna íþróttafélaga	S5-3,4	Lýkur 31.12.2021	ÍBR
B6	Greina hagræn áhrif íþróttaiðkunar <ul style="list-style-type: none">Vinna verkefni í samvinnu við háskóla	S1-S5	Lýkur 31.12.2021	ÍTR

- Gert er ráð fyrir að þegar aðgerðum með forgang A og B sé lokið séu skilgreindar nýjar aðgerðir sem miða að því að ná framtíðarsýninni og markmiðum stefnunnar

Viðauki

- *Stöðumat*
- *Erindisbréf*
- *Þátttakendalistar stefnumótunarfunda*

Staða tengd stefnuáherslu 1: Þátttaka Reykvíkinga í íþróttum, líkamsrækt og hreyfingu hefur aukist og aðstaða hefur batnað, en æskilegt er að gera enn betur.

Niðurstöður úr þjónustukönnun Reykjavíkur árið 2019 gáfu til kynna að 64% íbúa stundaði rösklega hreyfingu í að minnsta kosti 30 mín. þrisvar sinnum í viku eða oftar. Þetta var fyrsta mælingin sem gerð hefur verið í langan tíma varðandi hreyfingu borgarbúa. Eldri mælingar á hreyfingu íbúa Reykjavíkur eru frá árunum 2000-2008, þær gáfu til kynna að um 55-72% íbúa hreyfðu sig reglulega, en þær spurningar voru ekki orðaðar eins og eru því ekki að fullu samanburðarhæfar.




Eftirfarandi spurning var lögð fyrir í þjónustukönnuninni 2019:

106. Næst er spurning um rösklega hreyfingu sem varir að minnsta kosti 30 mín. í hvert sinn. Hversu oft stundar þú slíka hreyfingu?

Mæling: Hverfi:

Hverfi valið: Öll hverfi




Staða tengd stefnuáherslu 1: Þátttaka Reykvíkinga í íþróttum, líkamsrækt og hreyfingu hefur aukist og aðstaða hefur batnað, en æskilegt er að gera enn betur.

- Megináhersla í uppbyggingu á íþróttaaðstöðu í Reykjavík hefur beinst að aðstöðu fyrir íþróttafélög sem sinna börnum, unglingum, keppnis- og afreksfólki. Sú aðstaða nýtist einnig öðrum hópum, sem hafa fengið aðgang að aðstöðunni. Borgin hefur jafnframt byggt upp; sundlaugar í hverfum borgarinnar sem nýtast vel almenningi til sundiðkunar, skíðaaðstöðu í samvinnu við nágrannasveitarfélögin í Bláfjöllum og Skálafelli, hjólreiða- og göngustígakerfi í borginni, sjósundaðstöðu í Nauthólsvík; frísbíggolfvelli, brettagarða og ýmsa aðra útiaðstöðu sem nýtist almenningi til hreyfingar. Jafnframt hafa verið gerðir samningar við einkafyrirtæki sem bjóða líkamsrækt, um aðgang að sundlaugum sem hluta af þjónustuframboði.
- Nokkur íþróttafélög í borginni hafa komið á fót almenningsíþróttadeildum þar sem boðið er upp á þjónustu fyrir almenning sem ekki tengist beinni keppni og íþróttafélög hafa verið í samstarfi við félög eldri borgara um þjónustu sem snýr að hreyfingu fyrir þann aldurshóp. Eitthvað vantar upp á að nægir hvatar séu fyrir íþróttafélög til að bjóða þessum aðilum þjónustu, sérstaklega hjá þeim félögum sem hafa takmarkaða aðstöðu.
- Sú nálgun sem borgin hefur farið gagnvart almenningi er að leggja til almenningsaðstöðu sem hægt er að nýta ókeypis eða aðra aðstöðu sem hægt er að nýta með hóflegu gjaldi. Treyst er á að hver og einn sýni frumkvæði til að nýta þá aðstöðu sem fyrir er, sér til heilsubótar. Stór hluti almennings nýtir sér þjónustuframboð einkafyrirtækja varðandi líkamsrækt og skipulagða hreyfingu.
- Gagnvart hópum sem hafa oft takmörkuð fjárráð hefur verið farin sú leið að veita styrki til þátttöku. Á það við um börn og unglinga í gegnum frístundakort og stuðning velferðarsviðs við eldri borgara og öryrkja í gegnum ókeypis aðgang að sundlaugum. Einnig hefur ÍTR niðurgreitt aðra hreyfingu eins og leikfimi eldri borgara.
- ÍBR og aðildarfélög hafa umsjón með almenningsviðburðum eins og Reykjavíkumaraþoni og fleiri viðburðum sem miða að því að auka þátttöku almennings í íþróttum og hreyfingu. Þátttaka í slíkum viðburðum hefur vaxið ár frá ári.



Staða tengd stefnuáherslu 2: Frístundastyrkir hafa skipt miklu máli svo börn og unglingar hafi betri tækifæri til að taka þátt í fjölbreyttu íþróttastarfi, óháð efnahag og stöðu. Auka þarf áfram jöfnuð til þátttöku.

- Reykjavíkurborg styrkir bæði starfsemi íþróttafélaga með fjárframlögum í gegnum ÍBR og styrkir börn og unglinga til þátttöku í íþróttum með frístundastyrk (Frístundakort). Rekstur Frístundakortsins hefur tekist vel. Alls nýta um 83% barna og unglinga á aldrinum 6-18 ára kortið, þó aðeins 63% nýti það til íþróttaiðkunar og líkamsræktar.
- Núverandi upphæð frístundastyrks er 50.000 kr/ári og er honum ætlað að gera öllum kleift að stunda íþróttir óháð efnahag og fer hann í greiðslu æfingagjalda. Kostnaður við þátttöku getur samt verið mun meiri vegna t.d. keppnisbúnaðar og keppnis- og æfingaferðalaga. Ekki er skýr farvegur fyrir efnaminni þátttakendur til að sækja styrki fyrir slíkum útgjöldum og fyrir vikið dregur það úr þátttöku. Oft er boðið upp á fjáröflun fyrir þátttakendur til að safna fyrir kostnaði, en börn af erlendum uppruna og fjölskyldur þeirra geta ekki alltaf tekið þátt í slíkum fjáröflunum m.a vegna takmarkaðs tengslanets sem getur svo dregið úr þátttöku þeirra.
- Börn og unglingar hafa úr fjölbreyttu íþróttastarfi að velja í Reykjavík, þar sem í boði eru meira en 40 íþróttagreinar. Mismunandi framboð íþróttagreina er í boði í hverju hverfi. Hverfisfélögin bjóða frá 3 greinum uppí 11 greinar með barna og unglिंगastarfi, þar fyrir utan bjóða sérgreinafélög þjónustu sína, yfirleitt fyrir mörg hverfi. Ekki er æskilegt að bjóða upp á allar greinar í öllum hverfum, heldur þarf að tryggja að auðvelt sé að sækja þær greinar sem ekki eru í boði í hverfinu með greiðum almenningssamgöngum.
- Hverfisíþróttafélögin bjóða upp á æfingatíma fyrir yngstu börnin fyrir lok vinnudags foreldra. Boðið er upp á frístundaakstur í hverfum borgarinnar og er slíkur akstur oft án fylgdarmanna, sem getur valdið vandræðum hjá yngri börnum.
- Viðurkennt er að þátttaka í íþróttum er mikilvæg fyrir þroskaferli barna og unglinga. Því skiptir miklu máli að fagmennska sé ríkjandi í starfsemi íþróttafélaganna. Framfarir hafa orðið á síðustu árum í menntun og þekkingu þálfara, en ennþá er tækifæri að gera betur að mati íþróttafélaganna. Gerðar hafa verið kröfur til íþróttafélaga um aukna fagmennsku í starfseminni með upptöku á siðareglum og jafnréttisstefnu, ásamt því að faglegra sé haldið utan um fjármál félaganna.
- Ágætt samstarf er oftast milli íþróttafélaga og frístundamiðstöðva en samstarf íþróttafélaga við skóla er takmarkað, þó svo báðir aðilar koma að mikilvægum þáttum í þroskaferli barna og unglinga.
- Hjá íþróttafélögunum hafa börn og unglingar tækifæri á að efla sig og styrkja í ýmsum íþróttagreinum og verða afreksfólk. Einnig bjóða sum félög upp á möguleika á að iðka áfram íþróttina án áherslu á keppni.




Staða tengd stefnuáherslu 3: Aðstaða og umgjörð fyrir afreksíþróttafólk er mismunandi milli greina og í sumum þeirra eru nútímakröfur ekki uppfylltar.

- Afreksfólk eru þeir einstaklingar/flokkar sem standast afreksviðmið í viðkomandi íþróttagrein sem skilgreind eru af viðkomandi sérsambandi.
- ÍSÍ og ÍBR eru lykilaðilar í að ýta undir fagmennsku í afreksstarfi út frá sjónarhóli íþróttagreina (sérsambanda) og íþróttafélaga.
- Aðkoma Reykjavíkurborgar að afreksstarfi íþróttafélaga felst í því að leggja til góða aðstöðu til afreksstarfs, styrkja afreksstarfs íþróttafélaganna og styrkja afreksíþróttafólk með beinum styrkjum.
- Stærsti hluti styrkja sem fara til afreksmanna koma frá Afrekssjóði Íþróttasambandi Íslands. Reykjavíkurborg og ÍBR veita jafnframt styrki til reykvískra ólympíufara, Íslands- og bikarmeistara og einnig fær afreksfólk styrki úr afrekssjóði ÍBR.
- Á síðustu vetrarólympíuleika 2018 fóru 5 keppendur, þar af voru 3 frá reykvísku íþróttafélagi.
- Á síðustu vetrarólympíuleika fatlaðra 2018 fór 1 keppandi, sem var frá reykvísku íþróttafélagi.
- Á síðustu sumarólympíuleika 2016 fóru 8 keppendur, þar af voru 7 frá reykvísku íþróttafélagi
- Á síðustu sumarólympíuleika fatlaðra 2016 fóru 4 frá reykvísku íþróttafélagi.
- Hlutfall reykvískra félaga í efstu deild í knattspyrnu árið 2019 var 33% hjá körlum og 40% hjá konum, í handknattleik var hlutfallið 25% hjá körlum og 25% hjá konum og í körfuknattleik var hlutfallið 33% hjá körlum og 25% hjá konum.
- Staða afreksfólks á Íslandi er erfið. Umhverfi til afreksiðkunar í flestum greinum er ekki gott. Vegna fámennis er samkeppni innanlands ekki mikil, sem gerir það að verkum að afreksíþróttafólk þarf mikið að ferðast til að geta tekið þátt í keppnum við jafningja. Það felur í sér mikinn kostnað. Í sumum greinum er skortur á hæfum þjálfurum til að þjálfra afreksfólk.
- Stuðningur við afreksfólk er almennt lítill miðað við þann fórnarkostnað sem afreksíþróttafólk verður fyrir og tekjumöguleikar afreksmanna eru frekar takmarkaðir í flestum íþróttagreinum.



Staða tengd stefnuáherslu 4: Aðstaða íþróttafélaganna er vel nýtt og mikill þrýstingur er á uppbyggingu á aðstöðu í flestum hverfum borgarinnar og fyrir margar íþróttagreinar.

- Í viðhorfskönnun sem gerð var meðal íþróttafélaganna í Reykjavík töldu 67% þátttakenda að aðstaðan væri einn af helstu þáttunum sem hindraði félagið/-deildina í að ná árangri. Þetta er hátt hlutfall sem bendir til þess að þó nokkuð verk er framundan að koma aðstöðumálum í gott horf.
- Hluti af húsnæði sem fyrir hendi er til íþróttaiðkunar, eru litlir salir sem byggðir hafa verið með þarfir skólakennslu í huga og nýtast oft illa fyrir íþróttafélög.
- Nýting íþróttasala íþróttafélaganna til æfinga er 64% á virkum dögum á tímabilinu kl. 8-22, en 94% ef aðeins er tekið tímabilið kl. 16-22, Nýting skólasala er 92% á virkum dögum á tímabilinu kl 8-22, en 72% ef aðeins er tekið tímabilið 16-22. Ofan á þessa nýtingu kemur nýting íþróttasalanna til keppni og viðburða, sem fer mest fram um helgar. Á það sérstaklega við um sali íþróttafélaganna, en skólasalir nýtast minna fyrir slíkt.
- Mörg af hverfum borgarinnar hafa ekki verið hönnuð með greiðan aðgang að íþróttaaðstöðu íþróttafélaganna í huga og því liggur núverandi íþróttaaðstaða oft í jaðri hverfis sem gerir aðgengi barna og unglinga erfiðara.
- Mismunandi aðstaða er milli hverfa hvað varðar íþróttaaðstöðu og mörg sérgreinafélög eru á hrakhólum með aðstöðu fyrir sína íþróttagrein. Margar óskir liggja fyrir frá íþróttafélögum um uppbyggingu íþróttamannvirkja og reynt er að vinna með félögum að þróa lausnir sem eru skynsamlegar, en viðmið varðandi forgangsröðun verkefna er ekki skýr útávið, sem getur valdið óánægju.
- Ríkisvaldið hefur lítið lagt að mörkum varðandi uppbyggingu á aðstöðu og því byggir aðgengi landsliða að aðstöðu á velvild sveitarfélaga og félaga. Slík velvild hefur leitt til þess að árekstrar verða þar á milli við aðrar æfingar íþróttafélaga.
- Mikill þrýstingur er á um byggingu þjóðarleikvanga fyrir ýmsar íþróttagreinar. Nýting slíkra mannvirkja til æfinga fyrir íþróttafélög einkennast af árekstrum við keppnisleiki og aðra viðburði og eru því ekki eins heppileg fyrir æfingar og önnur æfingaaðstaða.
- Mjög fjölbreyttar leiðir hafa verið farnar í uppbyggingu og rekstri íþróttamannvirkja í Reykjavík. Eftirfarandi er til staðar: Reykjavíkurborg (R) á og rekur aðstöðu, (R) á og íþróttafélag rekur aðstöðu, (R) á og íþróttabandalag eða sérsamband rekur mannvirki, einkaaðili á og rekur aðstöðu, einkaaðili á og íþróttafélag rekur aðstöðu, íþróttafélag á og rekur aðstöðu, ríkið á og (R) rekur aðstöðu, ríkið á og rekur aðstöðu.
- Mörg íþróttamannvirki eru úr sér gengin og þarfnast meira viðhalds. Þau mannvirki sem borgin rekur er viðhaldið á vegum hennar, sem hækkar leiguna á ÍTR í gegnum eignasjóðinn á móti. Íþróttafélög sem eiga mannvirki sækja fjármuni til viðhalds mannvirkja til borgarinnar.



Staða tengd stefnuáherslu 5: Rekstur íþróttafélaganna er erfiður og kröfur til þeirra aukast stöðugt.

- Reykjavíkurborg er núna skipt upp í átta íþróttahverfi, þar sem níu hverfisfélög sinna nærþjónustu fyrir íþróttir í hverfinu (Árman og Þróttur eru í sama hverfi). Þar fyrir utan eru sérgreinafélög sem hafa annað hvort skilgreint starfssvæði fyrir sína íþrótt (ef íþróttagreinin er í boði hjá fleiri íþróttafélögum í borginni) eða hafa alla borginar sem sitt starfssvæði (ef íþróttagreinin er ekki í boði hjá öðrum íþróttafélögum í borginni).
- Mikil þétting byggðar á sér stað í Reykjavík sem hefur áhrif á fjölda íbúa í hverfum. Fyrirhuguð er mikil uppbygging íbúðabyggðar í mörgum hverfum borgarinnar.
- Í dag eru í gildi samstarfssamningar (greiðslusamningar) við íþróttafélög sem eru aðilar að ÍBR og njóta styrkja frá borginni. Þar eru tilgreindar þær kröfur sem gerðar eru til félaganna, varðandi skil á ársreikningi og starfsskýrslum og fylgni við lög ÍBR og reglugerðir ÍTR og ÍBR.
- Kröfur samfélagsins til íþróttafélaganna og fagmennsku í starfi þeirra er stöðugt að aukast. Íþróttafélög sem að miklu leyti eru rekin af sjálfboðaliðum eiga oft í erfiðleikum með að uppfylla þær auknu kröfur sem gerðar eru. Á það sérstaklega við um minni félögin. Fjárhagslegur stuðningur hefur verið veittur til stærri félaganna til að koma á meiri fagmennsku í starfsemi. Á það sérstaklega við um fjármálalegt utnumhald (rekstur skrifstofu) og skipulagningu íþróttastarfsins (íþróttafulltrúa). Það er ákveðin samlegð sem felst í því að fleiri greinar séu undir sama félaginu hvað þessa umsýslu varðar til að fjármunir nýtist sem best.
- Reykjavíkurborg og ÍBR hafa hvatt íþróttafélög til samstafs/sameiningar til að styrkja og bæta þjónustuna gagnvart íbúum. Slíkt hefur ekki gengið eftir nema í undantekningartilvikum.
- Aðeins 7 íþróttafélög eru fyrirmyndarfélög ÍSÍ í einhverjum af sínum íþróttagreinum. ÍBR er fyrirmyndahérað ÍSÍ.
- Rekstrarúttekt hefur verið gerð á íþróttafélagunum sem sýnir að rekstur félaganna hefur versnað á árinu 2018 í samanburði við árin á undan.
- Ekki hefur verið gerð úttekt á faglegum bakgrunni /réttindum aðalþjálfara íþróttafélaganna.



Erindisbréf



Reykjavíkurborg

R19010293

ERINDISBRÉF

Stýrihópur vegna móttunar stefnu í íþróttamálum í Reykjavík til 2030

Ábyrgðarmaður:
Borgarstjóri.

Inngangur:

Á fundi borgarstjórnar 15. janúar 2019 var samþykkt að sett verði af stað vinna í samvinnu ÍTR og ÍBR varðandi framtíðarstefnumörkun í íþróttamálum í Reykjavík. Gildistími stefnumnar verði til 2030. ÍTR verði falið að stýra þessari vinnu í samvinnu og samráði við ÍBR. Hún skal hefjast í upphafi ársins 2019 og verði lokið fyrir 1. febrúar 2020. Skipaður verði stýrihópur og gerð skuli sérstök verkefnaáætlun vegna vinnunnar. Heimilt verði að ráða ráðgjafa til að starfa við einstaka þætti verkefnisins.

Markmið/Hlutverk:

- Varpa ljósi á mikilvægustu þætti sem geta haft áhrif á þátttöku í íþróttaiðkun og aðra valkosti í tómstundum í Reykjavík í náinni framtíð.
- Leggja mat á rekstrarumhverfi og rekstur íþróttahreyfingarinnar, aðstöðumál og sett fram stefna og framtíðarsýn.
- Virkja hagsmunaaðila (Reykjavíkurborg, félag, iðkendur og forráðamenn) í Reykjavík til þátttöku í umræðum um framtíðina, auka skilning á valkostum og efla samstöðu um aðgerðir.
- Móta stefnu fyrir íþróttir í Reykjavík til ársins 2030 sem verði leiðarljós borgaryfirvalda og hagsmunaaðila á komandi árum um markmið og aðgerðir í íþróttamálum.

Verkefni:

Í upphafi vinnunnar verði framkvæmt stöðumat sem meðal annars feli í sér eftirfarandi atriði:

- Stöðumat á framfylgd gildandi íþróttastefnu og stefnu um sundlaugar.
- Yfirlit um þátttöku í æfingum og starfsemi íþróttafélaga, brotið niður eftir hverfum, aðsókn í sund og aðra heilsurækt og framboð af íþróttum og hreyfingu í borginni. Jafnframt verði veitt heildaryfirlit um stuðning við börn og ungmenni í gegnum frístundakort og stuðning velferðarsviðs og eldri borgara og öryrkja í gegnum ókeypis aðgang að sundlaugum og niðurgreiðslu á annarri hreyfingu.
- Rekstrarúttek á íþróttafélögum og fjárhagslegu umhverfi þeirra félaga sem njóta styrkja frá borginni.
- Yfirlit um fjárfestingu í núverandi íþóttamannvirkjum, völlum og aðstöðu sbr. kortlagningu mannvirkjanefndar ÍBR, þ.m.t. fasteignir, lönd og lóðir, sundlaugar, golfvelli, aðstöðu hestaíþróttarinnar, samgöngu- og útivistarstíga, íþróttahús við skóla og battavelli á skólalóðum.

Unnar verði tillögur að framtíðarsýn og aðgerðaráætlun út frá lykilmarkmiðum um að jafna aðstöðu til þátttöku, með áherslu á að jafna aðstöðumun, m.a. með tilliti til kyns og efnahagslegrar stöðu barna, unglinga og eldri borgara, mikilvægi hreyfingar fyrir alla aldurshópa og um öflugt íþróttastarf um alla borg. Í skilagrein verði meðal annars fjallað um mögulega hverfaskiptingu íþróttafélaganna, áætlun um uppbyggingu íþróttamannvirkja, stefnumótun borgarinnar og félaganna, rekstrarmál íþróttafélaga, þjónustu, aðgerðir til að stuðla

að jöfnu aðgengi óháð efnahag og kyni og starfsemi félaganna og rekstur íþróttamannvirkja borgarinnar. Einnig verði mörkuð stefna varðandi stuðning borgarinnar í gegnum frístundakort, stuðning við almenninguþróttir, afreksíþróttir, sérsambönd, landslið og afnot þeirra af borgarmannvirkjum.

Hóþinn skipa:

Pawell Bartoszek MÍT, formaður.
Katrín Atladóttir MÍT.
Hjálmar Sveinsson MÍT.
Ingvar Sverrisson ÍBR.
Guðrún Ósk Jakobsdóttir ÍBR.

Með hóþnum starfi:

Ómar Einarsson ÍTR.
Steinþór Einarsson ÍTR.
Helga Björnsdóttir ÍTR.
Frimann Ari Fendinandsson ÍBR.

Til ráðgjafar og samstarfs:

Stýrihópurinn leiti ráðgjafar hjá aðilum með sérþekkingu á viðfangsefninu.

Starfstímabil:

Stýrihópurinn skili áfangaskýrslu fyrir 1. maí 2019 um lykilaðriði, svo sem hverfaskiptingu, mannvirkjamál og rekstrarmál, til borgarstjóra

Lokaskil 1. febrúar 2020.

Reykjavík, 13. mars 2019



Dagur B. Eggertsson

Þátttakendalisti fyrir stefnumótunarfund 1 – Stýrihópur og kjörnir fulltrúar

Nafn	Starfseining
Frímann Ari Ferdinandsson	ÍBR
Hjálmar Sveinsson	MÍT
Sigríður A. Jóhannsdóttir	Varaborgarfulltr.
Elín Oddný Sigurðardóttir	MÍT
Sabine Leskopf	MÍT
Pawel Bartoszek	MÍT
Jórunn Pála Jónasdóttir	MÍT
Guðrún Ósk Jakobsdóttir	ÍBR
Alexandra Briem	Varaborgarfulltr.
Steinþór Einarsson	ÍTR
Ingvar Sverrisson	ÍBR
Diljá Ámundadóttir Zoega	Varaborgarfulltr.
Sanna Magdalena Mörtudóttir	Borgarfulltr.
Helga Björnsdóttir	ÍTR
Katrín Atladóttir	MÍT
Dóra Magnúsdóttir	MÍT
Örn Þórðarson	Borgarfulltr.

Þátttakendalisti fyrir stefnumótunarfund 2 – Stýrihópur og fulltrúar íþróttafélaga

Nafn	Félag	Nafn	Félag
Jón Þór Ólason	Ármann	Ingibjörg Marteinsdóttir	ÍR
Bergþóra Guðmundsdóttir	Ármann	Jóhann Ágúst Jóhannsson	ÍR
Eiður Ottó Bjarnason	Ármann	Ómar Einarsson	ÍTR
Jón Karl Ólafsson	Fjöleir	Margrét Grétarsdóttir	ÍTR
Jóhannes H Steingrímsson	Fjöleir	Sólveig Valgeirsdóttir	ÍTR
Guðmundur L Gunnarsson	Fjöleir	Helga Björnsdóttir	ÍTR
Þór Björnsson	FRAM	Júlíus Helgi Eyjólfsson	Íþróttafélagið Ösp
Ólafur Haraldsson	Frisbíggólfélag Reykjavíkur	Hilmar Ingimundarson	Klifurfélag Reykjavíkur
Atli Steinn Árnason	Fristundamiðstöðin Gufunesbær	Benjamin Mokry	Klifurfélag Reykjavíkur
Hörður Guðjónsson	Fylkir	Gylfi Dalmann Aðalsteins	KR
Raj K. Bonifacius	HMR	Guðmunda Ólafsdóttir	KR
Ingvar Sverrisson	ÍBR	Guðbjörg Jónsdóttir	KR
Guðmundur Ísidórsson	ÍBR	Árni Rudólfsson	KR
Kjartan Freyr Ásmundsson	ÍBR	Marianna Ástmarsdóttir	Lyftingasamband Íslands
Anna Lilja Sigurðardóttir	ÍBR	Pawel Bartoszek	MÍT
Lilja Sigurðardóttir	ÍBR	Hjálmar Sveinsson	MÍT
Birta Björnsdóttir	ÍBR	Soffía Pálsdóttir	SFS
Jóna Hildur Bjarnadóttir	ÍBR	Haraldur Sigurðsson	SFS
Haukur Þór Haraldsson	ÍBR	Kjartan Hjaltested	SR
Gústaf Adolf Hjaltason	ÍBR	Fannar Helgi Rúnarsson	Víkingur
Frímann Ari Ferdinandsson	ÍBR	Haraldur Haraldsson	Víkingur
Guðrún Ósk Jakobsdóttir	ÍBR,	Vilhjálmur Jens Árnason	Víkingur
Björn Valdimarsson	ÍFR	Friðrik Magnússon	Víkingur
Ingi Bjarnar Guðmundsson	ÍFR	Vala Valtýsdóttir	Þróttur
Óskar Elvar Guðjónsson	ÍFR	Þórir Hákonarson	Þróttur
Árni Birgisson	ÍR	Ótthar Edvardsson	Þróttur
Ingigerður Guðmundsdóttir	ÍR	Ásgeir Ásgeirsson	Ægir
Sigríður Klemensdóttir	ÍR		